

Aarons vnd
seiner Söhne.

Dies ist die salbung Aarons vnd seiner Söhne / von den Opffern des
HERRN / des tages / da sie vberantwortet worden Priester zu sein dem
HERRN / Da der HERR gebot am tage da er sie salbet / das im gegeben
werden solt von den kinder Israel / zum ewigen Recht / allen iren Nachkomen.
Vnd dis ist das geseze des Brandopffers / des Speisopffers / des Sünd-
opffers / des Schuldopffers / der Fülleopffer / vnd der Danckopffer / das der
HERR Mose gebot auff dem berge Sinai / des tages da er im gebot an die
kinder Israel / zu opffern ir Opffer dem HERRN in der wüsten Sinai.

VIII



ND der HERR redet mit Mose / vnd sprach / Nim Aaron vnd
seine Söhne mit im / sampt iren Kleidern / vnd das Salböle / Exod. 28.
vnd einen farren zum Sündopffer / zween widder vnd einen
korb mit vngesewrtem Brot / vnd versamble die ganze Gemeine
für die thür der Hütten des Stiffts. Mose thet wie im der
HERR gebot / vnd versamlet die Gemeine für die thür der Hütten des
Stiffts / vnd sprach zu inen / Das ist das der HERR geboten hat zu thun.

ND nam Aaron vnd seine Söhne / vnd wusch sie mit wasser. Vnd legt Aaron
vnd seiner
Söhne weibe.
Exo. 28.
29.
im den Leinenrock an / vnd gürtet in mit dem Gürtel / vnd zoch im den
Seidenrock an / vnd thet im den Leibrock an / vnd gürtet in vber den Leib
rock. her. Vnd thet im das Schiltlin an / vnd in das Schiltlin Liecht vnd
Recht. Vnd setzt im den Hut auff sein heubt / vnd setzt an den Hut oben an
seiner stirn das gülden Blat der heiligen Kron / Wie der HERR Mose gebo-
ten hatte.

ND Mose nam das Salböle / vnd salbet die wonung / vnd alles was
drinnen war / vnd weihet es / Vnd sprengt da mit sieben mal auff den Altar / Exo. 30.
vnd salbet den altar / mit alle seinem gerete / das Handfas mit seinem fus / das es
geweiht würde. Vnd gos des Salböles auff Aarons heubt / vnd salbt in das
er geweiht würde. Vnd bracht er zu Aarons söne / vnd zoch inen leinen Röcke
an / vnd gürtet sie mit dem Gürtel / vnd band inen Hauben auff / wie im der
HERR geboten hatte.

ND lies er zu führen einen Farren zum Sündopffer / vnd Aaron mit sei- Exo. 29.
nen Söhnen / legten ire hende auff sein heubt / da schlachtet man es. Vnd
Mose nam des bluts / vnd thets auff die hörner des Altars vmb her / mit sei-
nem finger / vnd entsündigt den Altar / vnd gos das blut an des Altars bo-
den / vnd weihet in / das er in versünet. Vnd nam alles fett am eingeweide /
das nezt vber der lebber / vnd die zwo nieren mit dem fett daran / vnd zündets
an auff dem Altar. Aber den Farren mit seinem fell / fleisch vnd mist / verbrand
er mit sewr auffer dem Lager / wie im der HERR geboten hatte.

ND bracht er zu einen Widder zum Brandopffer / vnd Aaron mit sei-
nen Söhnen legten ire hende auff sein heubt / da schlacht man in. Vnd
Mose sprengt des bluts auff den Altar vmb her / zehieb den Widder in
stücke / vnd zündet an das heubt / die stücke vnd den strumpff / vnd wusch die
eingeweide vnd schenckel mit wasser / vnd zündet also den ganzen Widder an
auff dem Altar / Das war ein Brandopffer zum süssen geruch / ein sewr dem
HERRN / wie im der HERR geboten hatte.

ER bracht auch er zu den andern Widder des Fülleopffers / Vnd Aaron mit
seinen Söhnen legten ire hende auff sein heubt / da schlachtet man in. Exo. 29.
Vnd Mose nam seines bluts / vnd thets Aaron auff den knörbel seines rechten
ohrs / vnd auff den daumen seiner rechten hand / vnd auff den grossen zehe sei-
nes rechten fusses. Vnd bracht er zu Aarons söne / vnd thet des bluts auff den
knörbel ires rechten ohr / vnd auff den daumen ires rechten hand / vnd auff den
grossen zehe ires rechten fusses. Vnd sprengt das blut auff den Altar vmb
her.

VND